

Alkitab Sagan Kakanakan Mengenal akan

Parjalanan-
Parjalanan
Paulus nang
Mangagumkan



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Paulus lawan Silas,
palayan-palayan Yesus,
barada dalam panjara. Kada,
buhannya kada malakuakan
kasalahan buhannya
mangusir sitan kaluar
matan saurang binian.
Buhannya manunjukakan pujaan
hagan disambah ulih urang-urang
nang badiam di
Filipi kuasa
nang bujur
matan Tuhan lawan
AnakNYa Yesus.




Ulih ngintulah
buhannya ditahan,
dicambuk, lawan
dikunci dalam
panjara.




Luku ikam manduga
pada Paulus lawan
Silas manjadi sarik
lawan kada arai. Tapi
buhannya kada kaya
ngintu. Nyatanya,
pas tengah malam
buhannya badiri lawan
manyanyikan lagu-lagu
pujian hagan Tuhan.



Buhan tahanan nang
lain lawan buhan
panjaga panjara
mandangar suara
buhannya.



Pas, nyanyia ampih. Tuhan mangirimakan sabuting
GEMPA BUMI hagan mangguncangkan panjara.
Sabarataan lawang tabuka. Satiap rantai nang
manjarat buhannya talapas.





Oh - oh! Tuhan panjaga penjara yakin amun sabarataan tahanan malariakan diri dalam kaributan ngintu. Amun sabuting urang haja malariakan diri, panjaga-panjaga ngintu pacangan dihukum mati, lawan sadih, panjaga penjara nang malang ngintu manarik kaluar parangnya. Inya parak haja mambunuh dirinya saurang lawan maimbahi sabarataannya.



Tapi Paulus keluar lawan batariak, "Jangan manyakiti diri ikam saurang, kami sabarataan ada di sini." Pas panjaga panjara malihatnya, inya baucap, "Tuan napa nang harus aku lakukan supaya aku selamat?" Jawab buhannya "Parcayalah ka Tuhan Yesus Kristus, ikam pacangan selamat, ikam lawan sabarataan keluarga ikam." Hibak lawan sukacita,



panjaga
panjara
parcaya
ka Yesus.





Kaisukan harinya Paulus lawan Silas dilapasakan matan panjara, imbah ngintu buhannya mangadakan parjalanan ka kuta-kuta nang lain, bapadah ka sabarataan urang tantang Yesus. Sapalih urang percaya, nang lain mancuba hagan manyakiti buhannya.






Tapi Tuhan basama
palayan-palayanNya
tarus. Suatu malam,
Paulus bakhutbah
salawas barjam-jam.
Saurang anak anum
nang duduk di tapi
jandila nang tabuka
taguring lawan
gugur. Ikam kawa
mambayangkan napa
nang tarjadi.




Satiap urang tahu
amun urang anum
ngintu sudah mati.
Tapi Paulus tulak
kaluar lawan maragap
inya sambil baucap,
"Inya masih hidup."
Buhannya mambawa
urang anum ngintu
hidup, lawan buhannya
arai banar.



Paulus lawan Silas baisi banyak patualangan dalam parjalanan buhannya ka Eropa. Salah sabuing matan patualangan Paulus nang taganal tarjadi rahat inya ada di atas kapal. Ngintu lain kalutuk mutur, tapi kalutuk balayar, jadi nyaman banar diumbang-ambingi ulih badai diparaknya.






Paulus ada diatas kalutuk ulih inya ditahan pulang. Damini inya harus dikirim ka kaisar di Roma, kuta taganal di dunia. Angina nang ganal batiup, bagimit mananggalamakan kapal ngintu. Kalihatannya hari rahat baangin. Ngintu marupakan parjalanan nang buruk hagan Paulus lawan tanaman-tanaman lainnya, jua hagan buhan awak kapal.




“Dangsanak-dangsanak, aku
malihat parjalanan ngini pacangan
mandatangakan kasulitan lawan
karugian ganal,” Paulus
mamparingati. Kaptin
kapal ngintu
mandangar
ucapan Paulus.
Buhannya tatap
bahanyut.



Pas badai manyarang, buhannya
mancuba maikat kapal ngintu
kuat-kuat lawan harapan kawa
manjaga kapal ngintu matan
bahaya kahancuran. Amun
kapal ngintu pacah,
banyu pacangan
mangubur
sabarataan.



Kapal ngintu diumbang-ambingkan banar imbah ngintu kaptin mamarintahakan satiap urang hagan manulung mangurangi beban kapal ngintu. Pas hari katalu, buhannya mambuung alat-alat kapal ka luar. Mungkin ngintu kawa saikit manulung.



Rahat malam hari, saurang malaikat
badiri disisi Paulus lawan baucap
sabarataan pacangan baik-baik haja.



Nang lain tahibur rahat Paulus baucap, "Ulih ngintu tabahakanlah hati ikam, dangsanak-dangsanakku! Ulih aku parcaya ka Allah, sabarataan pasti tarjadi sama kaya nang dinyataakanNya ka aku. Tapi kita harus mandamparakan kalutuk ngini di sabutung pulau."



Babarapa hari imbah ngintu, kalutuk bahanyut sampai ka parak pulau Malta. Kalutuk ngintu manabrak batu lawan tabalah. Kaptin mamarintahakan sabarataan urang nang bisa bakunyung hagan baluncat kaluar matan kalutuk lawan bakunyung ka daratan. Buhan tawanan jua selamat, sapalih mamakai papan lawan sapalih mamakai pacahan-pacahan kalutuk.



Di Malta, Allah manunjukakan
kuasaNya. Rahat buhannya
bakumpul di parapian, saikur
ular baludak maigut Paulus.
Urang-urang bapikir pada
inya pacangan mati.



Tapi igutan ular baludak ngintu kada malukainya. Kamudian urang-urang ngintu bapikir pada Paulus adalah Tuhan. Banyak urang datang, lawan Tuhan manyambuhkan buhannya imbah Paulus badua hagan buhannya.



Akhirnya, Paulus sampai di Roma. Diparluakan waktu dua tahun hagan mangadili kasusnya. Salama mahadang waktu pangadilan ngintu, Paulus manyiwa rumah lawan manarima tamu-tamu. Apakah ikam tahu

napa nang diucapkan Paulus ka buhan tamunya? Karajaan Allah! Tuhan Yesus Kristus! Paulus

malayani Tuhan di Roma, kaya sabarataan parjalanannya nang lain.



"Aku sudah maakhiri partandingan nang baik, aku sudah mancapai garis akhir lawan aku sudah mamalihara iman," Paulus manulis matan Roma.

Alkitab kada maucapakanka kita kayapa hidupnya baakhir, tapi catatan nang lain maucapakan pada

Paulus di panggag

gulunya ulih

parintah Kaisar

Nero. Paulus

mati kaya

pas inya

hidup,

palayan Tuhan yang hibak iman, lawan maucapakan ka urang lain tantang Yesus Kristus.



Parjalanan-Parjalanan Paulus nang Mangagumkan

Sabuting kisah matan Firman Tuhan, Alkitab

Taulih dalam

Kisah Buan Rasul pasal 16, 27, 28

"Amun tabuka, firman-firmanPian mambari
pamahaman." Mazmur 119:130



Tunting



Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

